

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan																				
Vol. 43	Issue No. 43	Ramhlun North: Ni 18 October, 2025																		
 BRANCH THU THAR ■ Ramhlun North Pastor Bial Kohhran Pavalai ten sawhchiar a tan buhfai kg 25 min pe a. An chungah lawmthu kan sawi e. Branch aiawha Inkhawmpui lian kalte: 1. Pu Laldingliana Sailo, President 2. Pu Lalrochama, V. President 3. Pu Biakchungnunga, Secretary 4. Pu Joseph Lalhmingliana, Asst. Secy. 5. Pu Thandingliana, Fin. Secy. 6. Pu Vanlalrova 7. Pu R. Larinmawia 8. Pu VL. Pianruala 9. Tv. Eddie Lalfakzuala 10. Pu Lalneihhlua 11. Pu Lalchhuanawma 12. Pu Lalrampana 13. Pu H. Rodingliana 14. Pu C. Lalremruata 15. Pu Isak Zothianghlima 16. Pu Lalruatkima Khiangte ■ YMA Inkhawmpui lian thlengtu puilh nan Rs. 5000/- pek a ni. ■ Central YMA Budget 2025-26 atan Rs. 21000/- chu pek tlak nghal a ni.  SUB.COMT THU THAR ■ Library Sub-Committee: Tv. Lalawmpuia Hauzel, MCS, C-Sec. chuan a tul apianga hman turin Li-brary Sub-Committee-ah Rs. 2,000/- a rawn pe.  SECTION THU THAR ■ Chawngbawla Section: Ni 25.10.2025 hian Section hruaitute intuaitharna hun, The Last Resort, Lengpui ah an hmang. ■ Library Duty turte Ni 1.11.2025 1. Tv. PC. Malsawmzuala 2. Tv. Samuel Vanlalnghaka 3. NI. Lalrindiki 4. NI. Lalfelfamkimi 5. NI. R.D. Vanlalmangaihzele 6. NI. Lalnunpuui Hmar 7. NI. Ruth Biakchungnungi	YMA INKHAWMPUI LIAN VAWI 75-NA TIAK TA (President thar atan Pu R. Lalngheta thlan a ni) Ramhlun North, the 25th October, 2025: YMA Inkhawmpui lian vawi 75-na chu tluang takin Chengkawlawm Rûn, Sakawrdaiah ni 21-23 October, 2025 chhung khan tluang taka neih zawh a ni ta. Khawmpuihian member 5300 chuang in ziak lut an awm a, langa chhim hi mi 300 chuang an awm bawk a ni. Rorel palai hi mi 3600 chuang an awm bawk a ni. Kumin Inkhawmpuihian agenda lut te pass vek an ni a, Tin, kum 2025-2027 YMA Kumpuan atan, ‘Ruihhlo Do’ tih chu lungrual taka pawm tlan a ni bawk. Office Bearers thlan kum a ni a, heng mi te hi kum 2025-2027 atana Central YMA Office Bearers tur te an ni ang. <table><tr><td>President</td><td>:</td><td>Pu R. Lalngheta, Hlimen branch</td></tr><tr><td>Vice President</td><td>:</td><td>Prof. Lalnuntluanga, New Capital Complex branch</td></tr><tr><td>General Secretary</td><td>:</td><td>Prof. Malsawmliana, Vaivakawn branch</td></tr><tr><td>Assistant Secretary</td><td>:</td><td>Pu SF. David Ngursangzuala, Dinthar branch</td></tr><tr><td>Treasurer</td><td>:</td><td>Er. H. Duhkima, Dam veng branch</td></tr><tr><td>Finance Secretary</td><td>:</td><td>Pu MS Ralte, Upper Republic branch</td></tr></table> Office Bearers thlannah hian vote tlak that ber laiin vote 3061 lai a tla a ni. Vote nei theitu pandala leng lo tep khawpin kan kal tha a ni. Kan hluitu chhuanvawr Pu Vanlalrova chuan hruaitu hlun chawimawina a dawng bawk. Hetiang chawimawina dawng thei hruaitu dawng pha kan nei hi a chhuanawm takzet a ni. YMA Inkhawmpui Lian 2025 Sakawrdai a neihah kan branch atangin mi 52 kan kal thei a, special item NI. Lalbiakhlui, K-Sec. (Recitation) leh YMA Zaipawl te neih a ni a, kan chanpual kan tihlawhtling thain, NI. Biak-biaki recitation sawi pawhin fak leh lawm a hlawh hle a, zaipawl te zai leh chevel pawhin boruak an siam hle a ni. YMA zaipawl member, musician leh lam thiam te bakah special item neitu te chungah RN YMA-in lawmthu a sawi tak meuh a ni. Inkhawmpuihian kan branch atang a kal te chu Pu C. Lalmalsawma, K-Sec. chuan New Verveka an in puiah min thleng khawm a, hneh taka min mikhualtu Pu LMS-a pa, Pu C Tawnluia te chhungkaw chungah lawmthu kan sawi tak zet a ni. Hei bakah hian khawmpui kal nana lirthei thawhchhuahpui te zawng zawng chungah leh kan chanvo kan tihlawhtlin theih nana hma latu zawng zawng te chungah RN YMA-in lawmthu kan sawi mawlh mawlh. YMA Inkhawmpui Liana kan branch aiawh tura an thawhchhuah theih nana kan naute hun siam saktu an chhungte zawng zawng chungah lawmthu kan sawi bawk a ni. <i>*Tun inkhawmpuia NI. Biak-biaki'n recitation mipui lawm hlawh zet mai a sawi chu phek 2-naah rawn chhawpchhuah a ni e.</i>	President	:	Pu R. Lalngheta, Hlimen branch	Vice President	:	Prof. Lalnuntluanga, New Capital Complex branch	General Secretary	:	Prof. Malsawmliana, Vaivakawn branch	Assistant Secretary	:	Pu SF. David Ngursangzuala, Dinthar branch	Treasurer	:	Er. H. Duhkima, Dam veng branch	Finance Secretary	:	Pu MS Ralte, Upper Republic branch	MUP Rising Day Lawm A Ni Ni 24.10.2025 (Zirtawpni) khan Ramhlun North MUP te chuan Prebyterian Kohhran, Ramhlun North Primary Department Room-ah Rising Day hlim takin an lawm. Member 75 vel zet an kal a, Bialtu MLA leh Minister ni bawk Dr. Vanlalhlana khuallian niin Pu T. Khumtira, Ex-President, MUP chu khual zahawm a ni. Khuallian hian MUP Day lawmpui nan Rs. 5,000/- lai mai a pe bawk a, lawmthu an sawi a ni. An Day hmanna hi an President Pu K. Zahmuaka, Delhi lama a zin avangin Pu R. Lallai Sangzuala, Vice President in a kaihruai a. Vanduai thlak taka an President ni 3.10.2025 boral Pu Vanlalnghaka Zote hriatreng nan a nupui leh a faten Darkhuang tha tak leh man to tak Rs. 50,000/- man lai MUP te mamawh ngawih ngawih an pe bawk a, MUP te an lawmin lawmthu an sawi mawlh mawlh a ni. Heng bakah hian MUP Bial thenna kum 10 leh a aia tam zawng Bial lo vawng thintute mi 5 hnenah citation leh Rs. 1,000/- theuh chawimawina hlan an ni bawk a, Pu T. Khumtira, khual zahawmin a hlan a ni. Intihhlamna hun Pi Lalthaparin a rawn buatsaih a, hun hlimawm leh hlawk thlak tak an hmang. Ei leh in tui tak tak te chang hoine an rising Day hi tluang tak leh hlim takin an hmang a ni. Bial vawngtu chawimawina dawng te: 1. Pu Nguldama (2013-2024) 2. Pu R. Dama (2013-2023) 3. Pu Lalzuala (2015-2025) 4. Pu Vanlalkima (2006-2017) 5. Pu V. Rolura (2015-2025)
President	:	Pu R. Lalngheta, Hlimen branch																		
Vice President	:	Prof. Lalnuntluanga, New Capital Complex branch																		
General Secretary	:	Prof. Malsawmliana, Vaivakawn branch																		
Assistant Secretary	:	Pu SF. David Ngursangzuala, Dinthar branch																		
Treasurer	:	Er. H. Duhkima, Dam veng branch																		
Finance Secretary	:	Pu MS Ralte, Upper Republic branch																		

MARYMA	PHEK 2-NA	RN YMA CHANCHINBU
 Ruihhlo Do "Ram leh hnam humhalh" tih hian mi tam tak rilruah chuan zu leh ruihhlo dang dova duty thin, a tul dan a zira mi pawh kutthlak thin, tleirawl hawklak leh chhungte thu awih lote vau khur khur thin, thenkhat tana nelawm loh tak tak hmel te kan mitthla thin awm e. Hei tunah pawh kan hriat angin YMA Inkhawmpuiah chuan 'Ram leh Hnam Humhalh' tihlawhtling tura hma lak chu Central YMA rawtna angin, kan thupuiah 'Ram leh Hnam humhalh' hian ruihhlo leh mi awm tha duh lo, veng tiyawptute then thianghlim ni ta se, kan veng pawh a nuam sawt ngei ang. Tunah hian ruihhlo lama kan thalaite leh thangtharte dinhmun en hi chuan ruihhlo lamah Mizo thalaite dinhmun chu a ngaihtuahawm hle a, a hluiar chho zel a, nunna chan an tam hle bawh. India Today NE news tarlan danin, August 2025 thlengin, Mizoramah ruihhlo vangin mi 351 an boral tawh a, a tam ber hi Aizawl district a mi an ni, a zahthlak khawp mai. Kan ram hi Myanmar, Thailand, leh Laos te awmna 'Golden Triangle' an tih, ruihhlo siamchhuahna hmun bul hnaiah a awm avangin ruihhlo tawlh luh nan kawngpui pawimawh tak a ni a. Manipur buai avangin ruihhlo tawlh luh a tam zual, nia hriat a ni bawh. Hemi kawngah hian kan hmabak chu Central Young Mizo Association (YMA) chuan Central Anti-Drugs Squad (CADS) an din a, sorkar nena thawk hoin ruihhlo do hna an thawk mek a. Keini pawh thu mai mai lovin, kan lo puih bawm ve a tul tak zet. Kan veng chhung a lo ralmuan nan leh tih thianghlim nan mitin hian kan tih makmawh turah dah ila, a va tha dawn em. Mihring a tung chho zawnga kal, kei ka ni inti chin chuan heng ruihhlo hluar zel tur lakah kan in leh a vel-a chengte ah ruihhlo laka fihlim an awm em, tih belchiang ila. An lo awm a nih pawhin dodal ngam ila, an tan leh kan tan a that loh zia hrilh hria ila. Chutiang zel chuan hnama min siamtu, humhalh tur 'ram leh hnam' min petu kan Pathian hian ruihhlo avanga thi mang mai mai tur te hian min din lo ang tih hi a chiang a ni; chutih rualin, tih ve tur erawh kan nei, mahni zawn theuhah rinawm leh taima taka kan tan ve hi a ngai a, a la ngai deuh deuh zel dawn ni te pawhin a lang.	THIH LEH DAMINKAR - Lalnunpuia Hrahse En teh Duat, nilai zan thupui hawngtu ni mah suh la, i tan chuan ka inhawng reng a nia Ngaihzawng tiin ka ko ngam lo che a, mahse ka ngaih zawng tak i ni si. En teh, Lalduhawm, i hmel khan eng nge a entir i hria em? -Duhawm a entir. Chhe lo leh fel deuh phei chuan sawi zui mai kan hlawh lo, Umzui kan hlawh, Awi, ka peih lo lawk. -En teh, kan ram hi achurate em a ni. Kha ta nula chhe lo deuh kha, Lasi ni mah lo la, mipa mit i va la si ve, I mit hmul te kha i va siam forest thiam, i nalh tawp - i mawi-nice Mit hmul lem, kut tin lem, ke tin lem, mawngtam lem - a pawl lo, Pu Modi-a sawrkarah hian mawdi i ngai ve em a nih kha - i nun ber hi lem lo se la a tawh. Pathian leh a ram hmangaihna chang hre lote hi milem dik tak zawk chu an ni. Tlangval, len den thiam si lo, lehkha denga leng den den, Zan khaw tairek thlenga pawn lama pawn chhuak thin te hi - Pawn (Porn) star an ti, i ni thei mai em? Awmhar vei leh lusun fate tan - nang chu, 'Khawhar in star' lo ni zel ang che. Hna a vang tiin kan iak kan iak a, Vai mistiri ten thawh sen lo hna an hmu si! Hna thawktlak Mizo thalai fit kan mamawh Kumpui lingleta khumpuia inlet zen zen ho zingah rawntlak an vang viau an tih chu, 'A future aini a bialnu a ngo zawk' an ti palh ang che. En teh, U Nung, nei nung hle ringawt suh, an thunun ang che. Neihtlak ni turin nung la, taihmak chhuah rawh, i Duati a senior lutuk dawn. Rello luthianvailupawhaluhpuitamtehaniaaw, Vai rel chuang chu an rawn sawmdawng a, Keini rel chuan chak chhan Bazar, Tunlaia indona hmanraw chak ber chu Economic war a ni a, Rethei zawk a huaisen tak tak theih loh, Sum hman aia khawl uar hnam nih kan zir a ngai. Zah kai nih kan duh em? I ni tin hnaah rinawm rawh, i rawngbawl na a nih kha. Mahse maw, i hna hi pathian suh, Hna hi Pathian biakna a ni lo, biak tur chu kan Pathian chauh a ni. A thu hrimah i ni tin hna chauh thawk suh. Dam lo tu nge tanpui ang? Tu nge thlan lai ang, tu nge tlaivar ang? Nun tam nei turin thawkrim zawk ang che. Mizo kan ni leh Kristian kan ni hi a lawmawm mang e ti ru, Van khi ka ta ni lo mahse vannei ka in ti thin. Piang nawn leh dawn pawh ni ila, Mizo nula nih bawh ka thlang e. Chhiat niah meuh pawh lawmna tur a awm zel si a. Mizo tlangval tlawmngai, mi haw hnua thlan vur thinte hi kei chu ka star chi; MCS ka ti mai - Mizo Chhiatni Service in ni. Gucci bun ve lo mah ula ka duh chi in ni tlat. Hei erawh chah kan duh che u, ruihtheih thil mawlh mai hi, Mizo rama nupa in then chhan lian ber chu ruihtheih thil vang a ni a, chhungkaw ti hrehawmtu ber pawh ruihtheih	thil hi a ni. Setana tuibur leh Bumtua bawl hlo hi i tlansan teh ang u. Mizo mipa dik tak chu a insumthei tur a ni dawn lawm ni? Vawrh loh tur vawrh thin zawng zawng te u, sim hram tawh teh u. Ringlo mi ai pawhin in sual zawk hialin kan hria. Nula mi bik, pasal nei lo tura khuanu duan, tangkai em em si te hi in va hlu em, Aw, nula fel rei, Mizo Mother Teresa in ti ve tawp rawh, Chhungkua leh khawtlang tana i tangkai zia hi, in chhuang fo teh - mahse, pun belh lutuk tawh lo ila. A mak lutuk, ho tih ngah apiang an nun a ho Thawh aphit a, "A la hma, a hmanhmawh thlak loh" ti chi ho hi an tlai duh tlangpui - kha, lo inngaihbel leh ringawt! I senior lutuk chuan Purun te hi i pu peih tawh lo anga, Lalrun te i ti duh mai ang a. Tlangval laia senior citizen, pian pathlawi nghal hle mai te u, in va hlu em, Mitthi lumen zana in sawhchiar siam hi a tui thei teh mai a nia, chuvangin 'born to fatu' nihna kan hlan a che u. Miin an kah che paw'n, inkawh la - 'Thangthar Taitesena' ti ve ngat ang che. Aw, val upa, thlah lovin Lalpa vuan tlat la, chi erawh thlah hman ngei ngei tum ang che, Chim kher lo pawhin kan ral thei, kan inngaizawng a nih chuan, i innei ngam teh ang u. Sawi Chiang la. Nau, Social media hi i hmang nge social media-in a hmang zawk che. Miin fin nan leh sumdawn nan an hman lai hian, Sum leh nun khawhral nan i lo hmang palh ang e. Hmel lang lo cheng 400; hmel lang cheng 500 tih velah i lo thamral bik ang e aw. Hawh u, Reels ringawt ni lovin Real (thil tak tak) buaipui ang u. IG-a thian ngah em em, a taka thian nei mang bar lo ti hi i lo ni ang e. Youtube hmuhdawm ti taka i en lai hian thil pakhat hre ve mai mai la duh kan nei; anni chuan sum an lalut char char tih te mai hi; I mit leh hun tha i lo khawhral vel mai mai ang tih kan hlauhpuoi che. Mipa, Social media-a na deuh deuha mi troll ching te hi Social Hmeichhia an ti. Social media worker ni lovin social worker nih tum ang aw. Social worker dik tak chu chhiat ni that niah min hmu thin ang. Thih leh dam inkarah hian, Unaute u, kan ram hi ngaihtuah a hun e. Miin rangkachak an lai chhuah laiin, Keinin thalai kan phum kan phum mai chu a ni si a. Aw nang tlangval tlawmngai, ram tan hian i va hlu em I tiatpui lunglu ai pawhin i hlu zawk Hmeithaiten 'hmuh theih Pathian' an ti che a sin. Aw nang nula fel, mizo nih i va tinuam em, YMA no chawi chung a sei hmel hian mi a hneh Koh duat nan an vuah che Lalnunmawi Nang leh kei chuan Lalpa rawngbawl ila, Chhungkua hlut ila, tam kan neih chhun zoram hmangaihin, Vanram i thlir thin ang aw
Editor: Eddie Lalfakzuala (7005269255); Jt. Editor-te: Lalrotluangi Zote, RK Lalmuanpuia, Lalhunluanga, Vanengmawia Manager: C. Lallianzuala (9862365843); Asst. Manager-te: Zodingliana, Lalrinchhana, Lalrinawma Circulation Managers: PB Lahuapzauva, Samuel Lalhlupuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia		

MARYMA	PHEK 3-NA	RN YMA CHANCHINBU
 ZIN & HAW ■ Pu Lalfamkima, kan President hlui chu Vellore-ah inentir turin an kal. ■ Dr. C. Remruatfela, ECM, hna thilah Khawbung a zin chu alo haw leh ta. ■ Er. R. Lalthakima, T-Sec. chu inentir turin New Delhi lamah a kal leh ta. ■ Dr. Lalhmuchhuaka leh Pi Lalbiakhluni te nupa K-Sec. chu Europe fangin an zin mek. ■ Pu B. Vanlalruata, K-Sec. chu a nu Pi Hmari thihna avangin Sawlengah a zin. ■ Tv. LR. Timothy s/o Rorelliana, S-Sec. chu British Army zawm turin a kal ta. ■ Pi Lalmuanpui Khiantge leh Pi Marina w/o T. Lalnundika te chu Europe ram fangin an thang mek ■ Pi Lalramhluni w/o Pu Lalbiakdawla leh a fanu NI. Lalthanzami, N-Sec. te chu chhiat tawha avangin Lungleiah lamah an zin. ■ NI. Lalsangkimi leh a nau Lalruatsanga Pu C. Lalthankhuma fate, N-Sec. fate chu inentir turin New Delhi-ah an kal.  BRANCH THU YMA Inkhawmpui liana kan branch aiawha Zaipawla tel te. F. Lalengkima K-Sec (Conductor) Lalmazawia V-Sec K Vungmanga S-Sec Lalsangzuala Tlau V-Sec Lallianmawia K-Sec Vanrammawia Fanai V-Sec K. Vanlalrova K-Sec Joel Liando C-Sec Alfred Lalpekhlua N-Sec Ramnghahmawia N-Sec C. Vanlalnghaka S-Sec Lalnunpuia V-Sec C. Laldingliana T-Sec RD. Lalrempuia N-Sec Issac Lallawmawma C-Sec Lalremruata Colney S-Sec Lalramliana T-Sec Lalrinawmi C-Sec Ruthi Lalhmingmawii K-Sec Helen Lalsiamthari N-Sec Jessica Lalremkimi C-Sec Lalrinsiami N-Sec Sarah Lalrinsangi V-Sec Rammuanpuii V-Sec Laldusangi Pachuau K-Sec Bethel Lalnunsiami K-Sec H. Lalromawii N-Sec G. Mami S-Sec Rebecca Malsawmtluangi C-Sec Remruatpuii K-Sec Lalfaktluangi K-Sec Lalhlimpuii K-Sec Lalbiakhlui K-Sec	 LEI PIAH LAMAH  Lalmuanchhana, K-43 s/o Rinzuala (L), N-Sec. chu ni 19.10.2025 zan dar 7:40 khan a boral a, a ruang hi lumen anih hnu a tuk ni 20.10.2025 chhun dar 12:00 khan Ramhlun North Thlanmual, Zemabawk ah vuiliam a ni. Lusun khawhar chhungte thlamuantu Pathianin vengin awmpui mawlh rawh se.  DAMLO ■ Pu K. Zasanga, K-Sec. chu Synod Hospital, Durtlangah enkawl mek a ni. ■ Pi Lalrimtuii w/o Tlangthilima, K- Sec chu Civil Hospital, Aizawlah a ril zai a ni. ■ Lalhriatpuia s/o Zothanmawia Khiantge, N-Sec. khawsik vingin LRM Hospital a awm chu an lo chhuak leh ta. ■ Pu A. Biakthansanga, K-Sec. chu Scrub Typhus vingin Synod Hospital, Durtlangah enkawl chu a lo chhuak leh ta. ■ Pi Laldusaki Thomte w/o John Lalnunsanga, N-Sec. chu ZMC& H atangin in lam ah enkawl chhunzawm turin a lo chhuak. ■ Pu Rothuama, C-Sec. chu natna hrang hrang avangin in lamah enkawl mek a ni.  KOHHRAN ■ The Salvation Army: Salvation Army Ramhlun Corps chuan ni 23 - 26 October chhungin Lt. Col. K. Vanlalsawmthanga, Secretary for Business Adminiatration, THQ chu Speaker-ah hmangin Crusade an nei.  LOCAL COUNCIL ■ 1) AMC atanga lehkha kan dawn angin November thlaah Local Council ten Property Tax khawn hna thawh tur a ni a, a hnuai a mi ang hian ruahmanna siam a ni e. Ni. 10 & 11 Nov. 2025 A hmun : Chawngbawla Run (Khuangchera leh Saizahawla Section) Ni 12 - 15 Nov, 2025 A hmun : RSC Field (Vanapa, Taitesena, Neuva, Chawngbawla Section) 2) Vengchhung hmun thenkhatah Septic Tank Leak leh rimchhia a awm tih thu dawn a ni a, chhungtin ten kan tui chhe paihna leh Septic Tank te lo in enfel turin kan inhriattir e. 3) Kan veng chawmtu Transformer pahnih te tunhnaiah a chhe ve ve a, department lam te nena thawk hova siam that ve ve an ni. 4) Vawk sa rate chungchangah sorkar thu ngaihchan mek a nih avangin Local Council chuan Ramhlun North huam chhungah Rs.500/- a zawrh a rem ti lova, Rs. 400/- a zawrh vek tur a ni.	 KEIMAHNI ■ Vawiin chu thu a tam deuha, Advertisement lam a leng tlat lo mai. In mi hriatthiamna kan dil e. MARYMA dawng lo emaw dawng regular lo kan awm a nih chuan kan manager hnenah inhriattir tur a ni e.  LAWMAWM ■ Pu Robert Lalfamkima, V-Sec. chu Cricket Association of Mizoram President atan thlan tlin a ni. ■ Pu Augustine Vanlalvena leh Pi Vanlalngaihawmi, N-Sec. te chuan Synod Hospital Durtlangah fapa an nei thar. ■ Pu Lalnunzira leh Pi Lalromawii S-Sec. te chuan Synod Hospital Durtlang ah fanu an nei thar. ■ Vanlalhlua s/o Vanlalhriata, T-Sec. leh Vanlalmalsawmzuali, Khawhai South te chu ni 23.10.2025 (Ningani) khan Ramhlun North Kohhran Biak Inah an innei.  PAWL DANG ■ Mistiri Association, Ramhlun North Mistiri Association, Ramhlun North Branch-te chuan kuang siam hnatlang neih tur a ni a, member a tam thei ang ber thawk chhuak turin kan inngen e. A hun: 01 .11. 2025 (Inrinni) Zing dar 9:30. A hmun: Kuang siamna In ■ MUP, Ramhlun North Unit: Vanduaithlak taka an President Pu Vanlalnghaka Zote a boral tak avangin hetiang hian Office Bearers-te an insiamrem: President: Pu K. Zahmuaka, N-Sec Vice President: Pu R. Lallai Sangzuala, C-Sec. Secretary: Pu R. Laldinliana, N-Sec. Asst. Secretary: Pu K. Rochhuma, V-Sec. Treasurer: Pu Lalduhawma Hauhnar, V-Sec. Fin. Secretary: Pi Lalbiakzuali, V-Sec. Pu Vanlalnghaka Zote hriatrengnan Pi Zolianpari, T-Sec. te chhungkuain darkhuang an pek avangin YMA darkhuang an hawh chu YMA hnenah an pe let a, Ramhlun North Branch YMA in phal taka an darkhuang an hman hawhtir avangin an chungah lawmthu an sawi tak meuh meuh a ni. ■ Ramhlun Sporting Club: RSC Field-a Basetball Board chu vawiin hian siamthat a ni. RSC Field hi vengchhung thalaiten kan hmang tangkaiin Outdoor-a kan infiamna hmun neihchhun a ni a, kan dimdawi thiam a ngai a, bungrua awm ang angte pawh mahni ta anga enin kan dimdawi thiam a pawimawh hle. Tin, RSC field thenawmte tan hnawksak zawnga khawsak loh leh zan rei lutuk thleng chu inkhelh loh tur a ni. ■ Ramhlun North Football Club: MPL Qualifying-ah Ramthar FC 4-1 in an hneh lova, tihian Ramthar FC chuan MPL an in hlangkai a. RNFC hian ni 28.10.2025 (Thawhlejni) hian Kanan FC nen Playoff Rajiva Gandhi Stadium, Mualpuiah an khel leh dawn a ni.

MARYMA	PHEK 4-NA	RN YMA CHANCHINBU
ARTICLE	Dai khawpui lam luan ni chuan	CHALFILH TLÂNG (Chhunzawmna)
- Eddie Chunga		
Zemadai kan pelh meuh chuan thluak pawh a function tha chho tan. Hmar lam pana kan chhoh zel chuan lunghlui te pawh a leng nghal ringawtin ka hria. (A thlarau chawl hahdam se) ka pa kha chuan he kawng hi a bel em em, vawi za tam a zawh ngei ang. Memorial Park kianga ka pa thing phun tha tak maia a lo dawng nguah mai han hmuh phei chuan rilru a hnim ruih mai. Kei hi zin chhuah hreh ve tak mi ka ni a, a bikin chhung te bula zin hi ka thlahlel lo nge, a remchang lo zawk thin ka hre lo. Ka tel lo thei hram zel. Ka nu leh ka pa pianna hi Sakawrdai daifema, Vaitin khawpuiah a ni a, a chanchin hi ka hre tam viau chungin kum 1994 kuma an khaw Centernary an lawm tum ka tlawh bak kha ka lo la kal miah lo. Tichuan kum tam tak vei hnuah remchanna lain Tin-khawpui kianga Sakawrdai khuaah chuan YMA Inkhawmpui chhim turin kei leh ka thian te nen chuan kan chhuak ta a. Kum tam ka lo tum tawh lohna lamtluang a nih avangin ka tan chuan thil thar an ni chho leh zel a. Hmanhmawh lo takin chhiar ta ila, 500 kan chhiar hman awrh ang tiah chuan ka pa-in ha hipa a sawi thin K'u Zairemi te chhung te hotel, Pari Hotel ngei mai kawtah kan lo inhnung fel der mai hi a lo ni a. Pi ber nen nel takin kan inkawm a, ei man min free chiah lo nain Pu Marina (Sunrise), chuan a lo pe vek tawh a. Chibai ringawtin kan puar fu mai. Pu Marova'n motor a start chiah emaw tih laiin Darlawn kan thleng a, Ka u (Lalthakima Colney) Ma T-te-a, kan hmu zuai a. Sinlung Hills Council ram kan thlen hnu rei vak lovah chuan New Vervek lamah kan petek lut nawlh mai. Pu Arova kan hruiatu hlun chawimawina dawng tur kan chhuan tawlawl chuan Pu LMS-a, K-Sec. te inpui kawtah min lo hui, kan veng khualbuk tur chu a lo ni reng mai. King Charles pawh thleng se katiang bak khan an lo welcome ka ring bik lo. Kei hmar pa hmarcha chiah ngam, thil dang hre thui lem chuang lo chu ka leng nghal halh hian ka inhria. Ka chhung hnai tak te Sakawrdai fem, Vaitinah an la khawsak ve avangin an kianga thleng turin kei leh ka u te pahnih Pu Marina leh Pu Marova nen chuan kan liam leh ta! Kum 1994 nen chuan a lo inang lo tawh khawp mai. Ka nu leh ka pa te inpui hlui te min han fan pui a. Engmah hre ve hek suh i! sawi zui tur ka hre lo thin ang reng khawp mai. Kan han inti thu phian a, kan mikhualnaah chuan mikhual pahnih kan han nei ve leh chhawng a. Kan Vice President, Pu Machama lo leng ve se kan ti a, ani lah chawi eiin a in sawm pawh a ni lo, 'Chaw ka ei ve vat a ngai' a ti heu mai. Inkhawmpui lamah kan han tum a, anni khuaah hetiang inkhawmpui ang renga inkhawmpui lian la thleng ngai hek lo chu, a boruak a dang hle mai. Rorel kan han nang hman a, Inthlanaah te kan tel leh a. YMA member puite hawihawm takin, inhre sa ang maia kan inbia te kha a va nuam em! Kan tih der ka ring lo, inzah tawinna hlut zia ka hrechhuak thar. Chutah Inthlah zan kan chuang kaia, Sakawrdai nula in Tuisual Group YMA bil hla a rawn sa ka hmuh khan ka hnuk a ulh deuh. A thlengtut an ni, an khaw nula kha an va chawimawi thiam em! Stage hmaah sam tum vek lam chhuak te kan hmu nia! naupang pawh an hlim em ema, Lamtual a khat hneh teh e. A tukah kut hna thawkin an tum leh mai dawn a, discotheque an mamawh reng reng lo. An khaw nula, kawla ni chhuak chhiara an hmuh thin tho kha a ni. YMA Inkhawmpui liana stage-a zai kha an chhuang a ni. An theihpa tawp leh an thiam/ theih dan ang angin an tumawm ni berin ka hria. Keini mi lian te nuam tih ang nuam han tih ve tum an tum te hi a lo va hahthlak em tih te ka ngaituah, anni kha chuan rual an awt hlawl lo. Thil lian tham la thleng ngai lo khua te an ni hlawm a, an inthlahrung em em a, mahse zei vak pawh an tum lo. An nihna ang angin min lo pawm mai hian ka hria. Vai/ Sap te ho pawh hian Mizo takin tumahin min lo thleng ngai bik em le. Kan nihna mawlmang ang taka kan lan hian kan Culture hi kan lo humhim zawk dawn a lo nih hi a.	Chalfilh tlâng chhipah hian 'Vanzau' an tih mai tlâng chhip laiah phul hmun zau tak a awm a. Helai hmun atâng hian chhim leh hmar, chhak leh thlang a lang thui em em a. Tlâng sang tak a nih avângin khaw thlir a nuam em em a, a hmun a rem bawk nen, Tualbung atângin Vanpuia leh a hote an kai chhova, a hmun chu a thengthaw nuam in a rem si a. Chalfilh tlânga an awm lai chuan van lam an thlir a, van chu a zau ta bikin an hria a; an awmna hmun chu Vanzau an ti ta a. Sa leh ral lakah a him a, nuam an ti em em a. Nimahsela, hmeichhia an ching ta tlat a, fa an nei thei ta lo va. Hmeichhe chinna hmunah an ngai a, rei pawh awm lovin an pem chhuah san leh ta a ni. Vanzau hmuna Vanpuia leh a hote an awm thu hian sawi a hlawh hle thin. Vanpuia leh a hote'n Tiau lui an rawn kan hian Champhai velah Hrangchalho an lo awm tawh a. Anni chu kal pelin Sihfa pheiah hian an innghat a. Anni ho chu an inzar phâr a, Vanpuia leh a hote chu Tualbungah awm hmun an khuar a. An zinga mi Lalkanglova leh a hote chu Saihmar hmunah an inkulh thung a. Hmingliana leh a hote chu Lumtui hmunah an inkulh a, Hauluaua leh a hote chu Lenchim hmunah an inkulh thung a. An ropui chhoh hle laiin Sailo Lal hovin an nêk tlawm ta a ni. Hetih lai hian Thahdo lal Lalmânga, Phuaibuang ami chuan Vanpuia tlawm mek chu hla a phuah el a. Hla hrang hrang an phuah a, an inchhang tawn reng a, hun a kal zel a. Vanpuia chu a khuate'n an pem bosan zeuh zeuh a, khua nei lovin a awm ta a ni. Vanpuia chu ropui takin lal mahse, Sailo Lalte'n an nêk a, tlawinna sum an la duh si lova, a khua leh tuite chuan rawk an hlau a, a rukin an tlanchhiatsan zo ta a ni. 'Khelte zan tlan ang' an tih te hi Tualbunga an awm laia a khuate hovin an tlanchhiatsan atânga lo piang a ni. Vanpuia a tlawm dawn lai vel hian khuate ho chu Khelte, Ralte ho leh Fenngo ho an ni ber a. Anni chuan Sailo ho lo lian zel chu an tuar ngam lova, do lak chu sawi loh, an rawk ang tih mawlh an hlau a, Vanpuia chuan a khua leh tuite chu a thiam ang tawkin a fuih ve bawk thin a, tumahin do lak an ngam si lova, a khuate chuan a ruka relh ruk san zai an rel a. Zan khat chu 'Ral ral ral....' tiin an âu chiam a, an zan tlan phut a, an zan tlanna hmun thenkhat chu a phihrit hûn a, chuta chin chu, khawi lai hmun lo phihrit hûn sawi nan, 'Khelte zan tlan ang a ni, a phihrit hûn mai,' tiin an sawi ta zel a ni. Vanpuia hi indo avânga tlawm ta a ni lova, a khuate'n an relhruk san avânga tlawm a ni ber. Tualbung hi tum hma chuan 'Tualbum' titein an sawi thin. A khua leh tui te'n Vanpuia an bumna a nih avângin 'Tualbum' tih a ni. Liana thlan tlâng : Hmanlaiin mi pakhat Liana hi a awm a. A chhungte'n an thihsan vek avângin a khua a har thei hle a, dam nuam pawh a ti ta lova, intihhlum a tum ta a. Chalfilh tlâng hmar tawp chhuahlam pangah chuan pûk ropui tak mai a awm a, luh mai mai theih a ni lova. Chutih lai chuan pûk zawnah hian Meihle sang tak maiin a ding a, meihle kunga lawn chuan pûk chhungah chuan a luh theih a. Liana chuan dam nuam a ti ta si lova, intihhlum tumin a neih ro hlute chu pûk chhungah chuan a thiar lut a. Meihle kung chu a bul lamah a rek lawk a, a duh anga a inthiar luh hnu chuan a tlawh thlu ta a. Pûk chhungah chuan a awm ta reng a, darkhuang a chum ri thin a, ni sarih chhung a chum ri a, ni sarih hnuah chuan thawm engmah an hre ta lova. Chuta chin chu, chu lai hmun chu 'Liana thlan tlâng' an lo ti ta a ni. Chalfilh tlâng chhipa khua i chuan hun chuan nuam i tih avângin i nui ngei ang, i nuih loh vek pawhin nuam i tih thu i sawi ngei ang le.	
Published & edited by Eddie Lalfakzuala for and on behalf of Ramhlun North Branch YMA. Copies- 1,270		